

Na osnovu člana 8. i 26. Zakona o javnim preduzećima u Federaciji Bosne i Hercegovine („Službene novine Federacije BiH“, br. 8/05, 81/08, 22/09 i 109/12), člana 271., a u vezi sa članom 303. Zakona o privrednim društvima („Službene novine FBiH“, broj: 81/15), člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13) i člana 60. Statuta J.P. „RAD“ d.o.o. Lukavac i Odluke Nadzornog odbora broj: 02-10-2667/24 od 12.07.2024. godine, Nadzorni odbor J.P. „RAD“ d.o.o. Lukavac raspisuje

Javni oglas  
za komunalne i zanatske usluge  
"RAD" d.o.o. Lukavac

## JAVNI OGLAS

za izbor i imenovanje članova Odbora za reviziju J.P. „RAD“ d.o.o. Lukavac

PRIMLJENO: 12. 07. 2024			
Org. jedinica	Broj	Prilog	Vrijednost
	02-10-2669		124

### I

J.P. „RAD“ d.o.o. Lukavac raspisuje Javni oglas za izbor i imenovanje tri člana Odbora za reviziju J.P. „RAD“ d.o.o. Lukavac (u daljem tekstu: Javni oglas), kako slijedi:

1. Član Odbora za reviziju ekonomske struke – 2 (dva) člana;
2. Član Odbora za reviziju pravne struke – 1 (jedan) član.

### II

Odbor za reviziju ima nadležnosti kako slijedi:

- a) u skladu sa važećim propisima vrši reviziju polugodišnjeg i godišnjeg obračuna i reviziju finansijskog poslovanja preduzeća i o tome dostavlja izvještaj Skupštini i Nadzornom odboru,
- b) imenuje vanjskog revizora i direktora Odjela za internu reviziju;
- c) razmatra godišnju startegiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- d) razmatra godišnju startegiju rizika i plan revizije i postizanje sporazuma sa glavnim revizorom po pitanju obrade isključivo u slučaju kada je generalni revizor imenovao direktora Odjela za internu reviziju javnog preduzeća;
- e) osigurava da Odjel za internu reviziju izvrši svoj posao u skladu sa planom revizije i u skladu sa međunarodnim revizijskim standardima
- f) osigurava da interne kontrole u javnom preduzeću budu adekvatne i da funkcioniraju kako je predviđeno;
- g) podnosi Nadzornom odboru sažete mjesečne izvještaje o svojim sastancima svakog mjeseca;
- h) konsultuje se sa generalnim revizorom u pogledu nezavisne revizorske organizacije ili strukovne stručne grupe koja vrši stručno unutrašnje strukovno ocjenjivanje Odjela za internu reviziju svake dvije do tri godine;
- i) drugi poslovi u skladu sa zakonom i Statutom javnog preduzeća.

### III

Imenovanje članova Odbora za reviziju vrši Skupština Preduzeća, na prijedlog Nadzornog odbora, a izabrani članovi će na konstituirajućoj sjednici Odbora za reviziju jednog od svojih članova izabrati za predsjednika Odbora za reviziju. Mandat imenovanih članova Odbora za reviziju traje četiri godine. Ugovor sa predsjednikom i članovima Odbora za reviziju zaključuje direktor u ime i za račun Javnog preduzeća. Visina naknade članovima Odbora za reviziju utvrđuje se odlukom Skupštine Javnog preduzeća.

### IV

Kandidat koji aplicira mora ispunjavati sljedeće opće i posebne uslove:

## 1) Opći uslovi

1. da je stariji od 18 godina i da nije stariji od 65 godina na dan imenovanja (dokaz: izvod iz matične knjige rođenih (neograničeni rok važenja), original ili ovjerena fotokopija);
2. da je državljanin Bosne i Hercegovine (dokaz: uvjerenje o državljanstvu, ne starije od šest mjeseci, pri čemu se navedeni rok računa od dana izdavanja uvjerenja od strane nadležnog organa do dana predaje prijave na Javni oglas, original ili ovjerena fotokopija);
3. da nije osuđivan za krivično djelo i za prekršaj nespojiv sa dužnošću člana Odbora za reviziju 5 (pet) godina od dana pravosnažnosti presude, isključujući vrijeme zatvorske kazne (dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca);
4. da se protiv njega ne vodi krivični postupak (dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca);
5. da nije lice kojem je pravosnažnom presudom suda zabranjeno obavljanje aktivnosti iz nadležnosti Odbora za reviziju (dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca);
6. da nije otpušten iz državne službe kao rezultat mjere na bilo kom nivou vlasti u BiH, u periodu od 3 (tri) godine prije dana objavljivanja ove upražnjene pozicije (dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca);
7. da se na njega ne odnosi član IX 1 Ustava BiH (dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca);
8. da nije na funkciji u političkoj stranci (dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca);
9. da nije izabrani zvaničnik, nosilac izvršnih funkcija ili savjetnik koji obavlja javne funkcije u institucijama vlasti u smislu Zakona o sukobu interesa u organima vlasti u FBiH („Službene novine Federacije Bosne i Hercegovine“, broj: 70/08) (dokaz :potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca);
10. da nije uposlenik, član Nadzornog odbora i Uprave Preduzeća (dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca);
11. da nema finansijski i drugi interes u Preduzeću, izuzev naknade po osnovu ove funkcije (dokaz : potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca).

## 2) Posebni uslovi

### a) kandidati koji se prijavljuju na poziciju broj 1. Javnog oglasa moraju ispunjavati i sljedeće posebne uslove i kriterije:

1. VSS - VII stepen stručne spreme, odnosno završeno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, fakultet ekonomskog smjera (dokaz: univerzitetska diploma o sticanju tražene stručne spreme i smjera, original ili ovjerena fotokopija - datum ovjere fotokopije ne smije biti stariji od tri mjeseca računajući od dana predaje prijave na Javni oglas);
2. da posjeduje najmanje 5 (pet) godina radnog iskustva na poslovima finansija, računovodstva ili privrednog prava, nakon sticanja univerzitetske diplome, odnosno visokog obrazovanja (dokaz: potvrda ili uvjerenje o potrebnom radnom iskustvu, izdato od poslodavca, original ili ovjerena fotokopija- datum ovjere fotokopije ne smije biti stariji od tri mjeseca računajući od dana predaje prijave na Javni oglas);
3. da posjeduje važeći certifikat ovlaštenog revizora ili internog revizora ili certificiranog računovođe (dokaz: certifikat ovlaštenog revizora izdat od strane Saveza računovođa, revizora i finansijskih radnika FBiH ili analognog organa u RS i BD ili certifikat internog

revizora za javni sektor izdat od strane Federalnog ministarstva finansija BiH, original ili ovjerena kopija istog, ne stariji od 3 (tri) mjeseca).

4. da posjeduje stručna znanja u vezi sa sadržajem i načinom rada organa upravljanja privrednih društava.

**b) kandidati koji se prijavljuju na poziciju broj 2. Javnog oglasa moraju ispunjavati i sljedeće posebne uslove i kriterije:**

1. VSS - VII stepen stručne spreme, odnosno završeno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, fakultet pravnog smjera (dokaz: univerzitetska diploma o sticanju tražene stručne spreme i smjera, original ili ovjerena fotokopija- datum ovjere fotokopije ne smije biti stariji od tri mjeseca računajući od dana predaje prijave na Javni oglas);
2. da posjeduje najmanje 5 (pet) godina radnog iskustva na poslovima finansija, računovodstva ili privrednog prava, nakon sticanja univerzitetske diplome, odnosno visokog obrazovanja (dokaz: potvrda ili uvjerenje o potrebnom radnom iskustvu, izdato od poslodavca, original ili ovjerena fotokopija- datum ovjere fotokopije ne smije biti stariji od tri mjeseca računajući od dana predaje prijave na Javni oglas);
3. da posjeduje stručna znanja u vezi sa sadržajem i načinom rada organa upravljanja privrednih društava.

Prilikom procjene kvalifikacija i iskustva kandidata uzet će se u obzir i sljedeće:

- Sposobnost prepoznavanja, zastupanja i zaštite interesa privrednog društva;
- Sposobnost za odgovorno obavljanje dužnosti člana Odbora za reviziju;
- Izražena inicijativnost i neovisnost u radu i donošenju odluka;
- Komunikacijske i organizacijske sposobnosti;
- Znanje i sposobnost razumijevanja poslovnih izvještaja, poznavanje privrednog prava i ukupnog zakonodavstva na području djelovanja Odbora za reviziju;
- Ostvareni rezultati rada;
- Preporuke neposrednih rukovodilaca.

## V

Potrebni dokumenti:

1. Potpisana prijava na Javni oglas, kraća biografija, sa adresom i brojem telefona
2. Dokumenti kojim se dokazuje ispunjavanje opštih i posebnih uslova Javnog oglasa iz tačke oglasa IV. 1) i 2) – original ili ovjerena fotokopija po definisanim tačkama, uz napomenu da sve navedene izjave mogu biti tekstualno sadržane na jednom ovjerenom listu

Komisija za provođenje konkursne procedure zadržava pravo provjere svih podataka iz izjava i drugih dokumenata kandidata.

Izabrani kandidat dužan je prije konačnog imenovanja dostaviti Uvjerenje o zdravstvenoj sposobnosti - Ljekarsko uvjerenje nadležne zdravstvene ustanove kojim dokazuje opštu zdravstvenu sposobnost koje ne smije biti starije od 6 (šest) mjeseci, a kojim dokazuju da su zdravstveno sposobni za obavljanje poslova na koje se imenuju.

## VI

Javni oglas će biti objavljen u Službenim novinama Federacije Bosne i Hercegovine, u dnevnom listu „Dnevni avaz“ i na službenoj web stranici J.P. „RAD“ d.o.o. Lukavac.

## VII

Rok za podnošenje prijave je 15 (petnaest) dana od dana objavljivanja istog u „Službenim novinama Federacije Bosne i Hercegovine“.

### VIII

Komisija za izbor će provesti proceduru i utvrditi prijedlog liste uspješnih kandidata. Neblagovremene i nepotpune prijave neće se razmatrati.

Svi kandidati koji dopiju na listu uspješnih kandidata bit će pozvani na razgovor.

Podnosioci prijava sa kojima se ne stupi u kontakt u roku od 15 (petnaest) dana nakon isteka roka za podnošenje prijava neće biti uzeti u razmatranje u daljem procesu imenovanja i neće biti naknadno obavještavani.

Prije razgovora kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

### IX


Prijave na javni oglas sa traženim dokumentima treba dostaviti u zatvorenoj koverti preporučeno putem pošte na adresu:

J.P. „RAD“ d.o.o. Lukavac, Partizanski put bb, 75300 Lukavac

uz naznakom: „PRIJAVA NA JAVNI OGLAS ZA IZBOR I IMENOVANJE ČLANOVA ODBORA ZA REVIZIJU U J.P. „RAD“ d.o.o. Lukavac“ ili lično putem protokola.

ZAMJENIK PREDsjedNIKA NADZORNOG  
ODBORA

J.P. „RAD“ d.o.o. Lukavac



Dostaviti:

1. Služba za pravne poslove 2x
2. Služba za rač.-fin. poslove
3. Arhiva NO
4. Arhiva